



www.BibleForChildren.org




San Juan 14



'Maxku tnau ini koio ka-n. Io xa jandixa na'i koio ka-n lanyuux. Te io xa jandixa ña'a koio ka-n mee-r tuku. Nu tuu Taa-r, io kue'e ve'e vili xndaa. Nu'u-r nuu tuu Taa-r, xa kada tu'a-r ve'e koio mee-n nuu kutuu va'a koio-n.



Chi nux ma du'a koo, te ma kachitnuña'a-r n-kuu. Nu'u-r,
xa kada tu'a-r ve'e koio mee-n, te ndii-r, xa kandeka
ña'a-r ji'in, xa kutuu va'a koio mee-n nuu kutuu mee-r.



Ñani-ro ka kuu tna'a xaxe'e xa ka jandixa-ro
Jesucristu. Nda'u ka ya'a-ro xa kuu-ro ñayiu ka
jandixa xa taxnuni lanyuux nuu-ro. Kida-ia

xa kundee ini-ro hora nda'u
ka ya'a-ro. Nani kundee




ini ndixi, ñn ñn-n, dani
kundee ini dañä.



Tuu-da nuu ñu'u kaa ni'no nuu mar nani Patmos ya
xaxe'e xa n-ja'an-da tnu'u lanyuux nuu ñayiu
xi'in xa n-kakune'e-da Jesucristu.



Dana ini n-tu ini-da xa ndeka ña'a-ia jua'an, te n-xini-da
ñin silla ka'nu nuu nukoo la taxnuni andiu.




Ijan dada n-teku-da xa n-ka ja'an ntdaa xa n-kidava'a
lanyuux xndaxio andiu, ñuñayiu xi'in ntdaa xa xndaxio
ka'a ñu'u, xa xndaxio nuu mar du.




Ka xia'an tna'a koio xijan: Na nakuetu-ro nuu tkolelu
xi'in nuu la nukoo nuu silla ka'nu. Na najuen
tnu'u-ro-ia. Na ndadaka'nu-ro-ia.
Na nakuetu-ro nuu-ia.
Taxnuni-ia nuu-ro ntdaa-ro.
Nikava nikuita du'a na ku kuu.




Te n-xini-da inka Jerusalén xee. Ñuu ii kuu. N-xini-da
xa vax juun ñuu jan nde andi nuu tuu lanyuux. Ná
n-kukutu novia n-kukutu ñuu jan. N-teku-da xa xee ja'an
nde nuu nukoo silla ka'nu lanyuux. Du'a n-ja'an: —Tuu
lanyuux xi'in ñayiu ñuñayiu vitna. Kutuu ka'nu-ia xi'in-i.
Ku kuu-i
da'ya-ia, te
lanyuux-yi
kuu-ia.



Ijan dada n-dande'a ña'a ángel jan ndute kindi xika de'va. Kee-té ka'a silla nuu nukoo lanyuux xi'in Jesús xa ka taxnuni-ia. Ndute ko'o-ro xa kutuu-ro nikava nikuita xi'in-ia kuu-té.



Ña tuu nax juun ñuu ijan ngandii, ni yoo xa kukanda
ñuu jan chi Taa-ro lanyuux xi'in tkolelu ndii ijan.




Ma kɪu ñayiu ñatu n-ku ii ijan. Ni ñayiu vete, ni ñayiu
kida xaloko xadu'a, ma kɪu ijan. Diko ni ñayiu
xyodotnuni dɪu libru tkolelu jan
kɪu koio ñuu xee jan.




Mayo ka-i nda'i. Mayo ka-i kuú, ni mayo ka-i kuko'yo
ini. Ma kaxia'an ka ñn nuu xaxia'an. Ma ku kuu ka na
n-xo kuu ñuñayiu.



Ijan mayo ñayiu jan u'u ñinka ñayiu. Ijan kuu nuu xtuu
lanyuux xi'in tkolelu silla-ia, te nakuetu koio ñayiu ka
xinokuechi nuu-ia nuu-ia. Kunde'a ñayiu jan-ia te
kundenee diu-ia tnee-i.




Te n-xini-da ñayiu n-ka xi'í xniñi yatni nuu nukoo silla
kuixi ka'nu jan. Nandikaa nanditu'u ñayiu n-ka xi'í xyuku
ijan. Nani xyuku ñayiu dakuu nga dani xyuku ñayiu
ndandi'i. N-ka nandika tutu xtuni'no io andiu nuu
xyodotnuni nax n-ka kida ñayiu, te n-ka kunda kuechi-i
ná xyodotnuni nuu tutu jan. Diuni nandika
inka ntuku tutu tuni'no nuu xyodotnuni
diu ñayiu kutuu xi'in lanyuux
nikava nikuita. Diuni
dakee-ia ñayiu ña tuu
na diu xyodotnuni nuu
tutu tuni'no nuu
xyodotnuni diu ñayiu
kutuu xi'in-ia nikava nikuita.



Ja'an Espíritu-r nuu-r: "Ji'in-n ñuñayiu." Diuni ka xko
ja'an ñayiu ka kukanu ini ña'a nuu-r: "Ndixi-n ñuñayiu."
Kuenda kiu dichi tnunda'a xi'in-r ka kuu ñayiu jan. Na
ja'an ñayiu kunini tnu'u n-ja'an-r-ya: "Ndixi-n." Ñayiu yichi
ndute, na kixi-i ya'a xa na ko'o-i ndute juña'a-r xa na

kutuu-i nìkava
nìkuita,
te kutuu-r

xi'in-i. Ña tuu
nax chiya'u-i —kuu
Jesús, n-ja'an-ia.



'Yo kue'e n-xemani lanyuux ñayiu
ñuñayiu. Xijan kuu xa n-taxi-ia Da'ya
Yi-ia. Medini-ia n-kuda'ya ña'a Taa-ia
lanyuux. Ntdaa ñayiu ka jandixa
mee-ia, ma kuú-i. Kutuu va'a
koio-i andiu kuia
ma jin ndi'i.



Romanos 3:23 Xaxe'e xa ntdantu'u-ro ka kida kuechi, inuu
ka kuu-ro nuu lanyuux. Ñayo-ro va'a xa
najuen tnu'u ña'a-ia.

Romanos 6:23 Dandoo lanyuux ñayiu dani ka kida xaloko
xadu'a kuu anu-i xa kada-i. Te roo, ñayiu ka xinokuechi
nuu lanyuux, kutuu koio-ro nuu tuu-ia nika nikuia xaxe'e
xa n-xi'í Cristu Jesús, la kuu Xto'o-ro xaxe'e-ro.
Xijan kuu ta'u-ro.

Hebreos 9:27 Idini vuelta kuú-ro, ñin ñin-ro, te dada,
ndadandaa ña'a lanyuux.

Efesios 2:8,9 N-dananita'u ña'a lanyuux, ko xaxe'e xa
va'a-ia xi'in xaxe'e xa n-kunda'u ini ña'a-ia xi'in xaxe'e xa
kukanu ini-ro Jesucristu; ñadu xaxe'e xa ka kida-ro xava'a.
Ña tuu nax n-jenya'u-ia. Nakuta'u-ro xa daa n-kida ña'a-ia.



Ñadu xa xaxe'e xa n-ka jandixa-ro-ia, nanita'u-ro chi nuu n-xio xa xaxe'e xijan nanita'u-ro n-kuu, naka ku kuu i'ni-ro.

Romanos 10:9,10 Nuxa xandaa xakuita ka jandixa-ro xa n-nadandoto lanyuux Jesús, te nux ka ja'an-ro nuu ñayiu xa Jesús kuu lanyuux, nanita'u-ro.

Xaxe'e xa kukanu ini-ro Jesús, ma kundido kutau ka-ro kuechi n-ka kida-ro, te nanita'u-ro xaxe'e xa ja'an-ro nuu ñayiu xa kuu-ia lanyuux.

San Juan 3:16,17 'Yo kue'e n-xemani lanyuux ñayiu ñuñayiu. Xijan kuu xa n-taxi-ia Da'ya Yï-ia. Medini-ia n-kuda'ya ña'a Taa-ia lanyuux. Ntdaa ñayiu ka jandixa mee-ia, ma kuú-i. Kutuu va'a koio-i andiu kuia ma jin ndi'i.



Chi ña n-tunda'a lanyuux Da'ya Yï-ia ñuñayiu xa kada u'u-ia ñayiu. N-tunda'a-ia Da'ya Yï-ia vaxi, xa dakaku-ia ñayiu xa ma kuú-i xi'in kuechi-i.

1 San Juan 5:11-13 N-ja'an ndaa lanyuux xa n-kida Jesucristu xa kutuu va'a mee-ro xi'in mee-ia kuia ma jïn ndi'i. N-ja'an ndaa-ia xa du'a koo xaxe'e xa n-xi'í Da'ya Yï-ia xaxe'e-ro.

Nux jandixa ñin ñayiu Da'ya Yï lanyuux, tuu va'a-i xi'in lanyuux, vitna xi'in nde kuia ma jïn ndi'i. Ko nux ña jandixa ñin ñayiu Da'ya Yï lanyuux, ma kutuu va'a-i xi'in lanyuux.

Kidava'a-da carta ya'a nuu mee-n ka kuu ñayiu ka jandixa Da'ya Yï lanyuux. Kidava'a-da nuu-n, xa kutnuni ini koio-n xa kutuu va'a koio-n xi'in lanyuux kuia ma jïn ndi'i.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mixtec, Diuxi-Tilantongo NT (xtd) © 2001, Wycliffe Bible
Translators, Inc. All rights reserved

<https://live.bible.is/bible/XTDTBL/MAT/1>

©2026 Bible for Children, Inc.

www.M1914.org

www.bibleforchildren.org

